

*Al Věint ed Tramuntâna e al Söul*

*Un dé al Věint ed Tramuntâna e al Söul i questionèven e ognón al pretendèva d'èser pió fôrt ed cl'èter, quand i vdénn un viažadöur, ch'al gnèva avanti arvujè int un mantèl. I dû litigànt alöura i s' miténn d'acôrd d'arcgnösser pió fôrt chi al föss riusî a fèr in môd che al viažadöur al s' cavéss al mantèl d'indòs.*

*Al Věint ed Tramuntâna al taché a supièr con tótt al sô fiè, ma pió al supièva pió al viažadöur al se strichèva int al mantèl, tant che ala fén al pôver Věint ag tuché ed rinunzièr al sô propòsit. Alöura al Söul al s' mustré int al zîl, e sóbbit döpp al viažadöur, ch'al sintèva chèld, al s' cavé al mantèl. E la Tramuntâna la fó ublighèda ad arcgnösser che al Söul l'êra pió fôrt ed lâ.*

*Acsé i cònten al nòn e la nòna. Ai nòn e al nòni ag piès èl fôl e anc ai anvûd.*